



Concello de Cangas

Bases reguladoras para a concesión de axudas de comedor para alumnos/as de Educación Infantil (segunda etapa) e educación primaria do CEIP CANGAS, CEIP HIO, CEIP Espiñeira e CEIP A Rúa do Concello de Cangas, Curso 2023/2024.

PRIMEIRA.- OBXECTO DA CONVOCATORIA

É obxecto da presente convocatoria regular o sistema de concesión de becas de comedor, nos centros escolares que dispoñan deste servizo de catering para o curso 2023 – 2024, dirixidas a menores escolarizados na segunda etapa de educación infantil e educación primaria, nos CEIP de Espiñeira, o Hio, Nazaret e a Rúa .

As axudas de comedor van dirixidas a familias con dificultades socioeconómicas.

Estas axudas outorgaranse de acordo aos principios de publicidade, concorrència e obxectividade.

SEGUNDA.- FINALIDADE

O fin último destas subvencións é o de favorecer a integración socio laboral dos pais, nais, titores ou acolletores dos menores, apoiando as unidades familiares que por escasez de recursos económicos non poden afrontar o custo do comedor escolar dos menores.

TERCEIRA.- INCOMPATIBILIDADES

As axudas municipais de comedor son incompatibles con calquera outra axuda para a mesma finalidade de organismos públicos ou privados, comprometéndose o solicitante a comunicalo e reintegralo ao Concello no caso de ter percibida outra axuda.

CUARTA.- SOLICITANTES / BENEFICIARIOS

A presente convocatoria establece como solicitante aos/ás pais/nais ou titor/a legal dos alumnos/as matriculados para o curso 2022/2023 nos CEIP de O Hío, A Espiñeira, Nazaret e A Rúa nos niveis de:

- Educación Infantil (2ª etapa): de 3 a 5 anos.
- Educación Primaria: de 6 a 12 anos

As subvencións que se outorguen en calquera das modalidades, realizaránse en réxime de concorrència competitiva.

QUINTA.- REQUISITOS

Serán requisitos necesarios para solicitar as axudas os seguintes:

1. A unidade familiar deberá estar empadroada e residir de modo efectivo no concello de Cangas.
2. Convivir cos alumnos/as para os que se solicitan as axudas.
3. Estar matriculado para, a segunda etapa de educación infantil ou educación primaria, no curso escolar de 2023/2024, no CEIP de O Hío, A Espiñeira, Nazaret, ou A Rúa, erradicados no termo municipal de Cangas.

Concello de Cangas

Avenida de Castelao, 2, Cangas. 36940 Pontevedra. Tfno. 986300050. Fax: 986304850





Concello de Cangas

4. Debese contar con praza no comedor, de non ser así aínda tendo concedida a axuda non se fará efectiva.
5. Que os ingresos económicos da unidade familiar (ingresos brutos – aportación a seguridade social) non supere os seguintes límites máximos de rendas obtidas no ano 2022: [límites establecidos en función do IPREM Anual – 14 pagas (Indicador público de Renda de Efectos Múltiples)]

Nº DE MEMBROS DA FAMILIA	INGRESOS ANUAIS
Familia de 2 membros	2 veces o IPREM
Familia de 3 membros	2,5 veces o IPREM
Familia de 4 membros	3 veces o IPREM
Familia de 5 membros ou mais membros	3,5 veces o IPREM

Para os efectos destas axudas enténdese por unidade familiar a formada polo pai, nai, titor ou persoa encargada da garda e protección do menor así como os seus fillos solteiros menores de vinte seis anos que convivisen no domicilio familiar ata a data da publicación da presente convocatoria. A separación transitoria motivada por razóns de estudo, traballo, tratamento médico ou outras causas similares, non rompe a convivencia para estes efectos.

Nos casos de garda e custodia compartida dos menores para os que se solicita beca, contabilizaranse os ingresos de ambos proxenitores.

Terán a consideración de ingresos os de calquera procedencia: salarios, pensións contributivas e non contributivas, prestacións, rendas, rendementos por actividades profesionais, industriais, agrarias, deportivas e artísticas, tanto de carácter fixo como eventual e outras.

Tendo en conta que as axudas están destinadas a familias con dificultades socioeconómica, as solicitudes que cumpran os requisitos, se valorarán segundo os seguintes criterios: ingresos da unidade familiar, nº de fillos en idade escolar e problemática social. Puntuándose cada unha delas segundo baremo que figura na base oitava das presentes bases. A puntuación individual acadada de cada unha das solicitudes priorizará a orde de concesión, dentro da capacidade orzamentaria consignada para tal concepto.

Poderá valorarse a situación económica do ano 2023 da unidade familiar, sempre que se demostre que o nivel de renda da economía doméstica sufriu un forte decaemento e que neste intre se cumpren os requisitos establecidos, debendo acreditar as circunstancias económicas e laborais da unidade familiar nos sete primeiros meses do ano 2023.

SEXTA.- CONTÍA DAS AXUDAS

As axudas a conceder mediante a presente convocatoria será de:

- Bonificación do 100 % do custe do servizo de comedor escolar para os alumnos pertencentes a unidades familiares perceptoras da RISGA ou cunha renda igual ou inferior a contía desta prestación [Ingreso mínimo: 75 % do IPREM + Complemento familiar: 14 % do IPREM mensual adicional polo 2º membro; 12 % adicional polo 3º; 10 % adicional polo 4º e sucesivos + Complemento de alugamento: 10 % adicional, sempre que se xustificuen gastos por dito concepto]
- Bonificación do 85 % do custe do servizo de comedor escolar para os alumnos pertencentes a unidades familiares cunha renda inferior ao 125 % da contía da RISGA (Ingreso mínimo + Complemento familiar + Complemento de alugamento).





Concello de Cangas

- Bonificación do 60% do custe do servizo de comedor escolar para os alumnos pertencentes a unidades familiares cunha renda inferior ao 150 % do IPREM + 15 % adicional por cada membro da unidade familiar + 10% adicional de complemento de aluguer.
- Bonificación do 50% do custe do servizo de comedor escolar para os alumnos pertencentes a unidades familiares cunha renda inferior a

Nº DE MEMBROS DA FAMILIA	INGRESOS ANUAIS
Familia de 2 membros	2 veces o IPREM
Familia de 3 membros	2,5 veces o IPREM
Familia de 4 membros	3 veces o IPREM
Familia de 5 ou mais membros	3,5 veces o IPREM

SÉTIMA.- FORMALIZACIÓN DE SOLICITUDES E DOCUMENTACIÓN

As/os solicitantes presentarán as súas solicitudes a través do Rexistro Xeral Municipal do Concello de Cangas, segundo o modelo que figura como Anexo I, acompañadas da documentación acreditativa do cumprimento de requisitos e circunstancias que permitan avaliar as situacións sociofamiliares.

A documentación que deberá acompañar as solicitudes será a seguinte:

1. Fotocopia do DNI, NIE do/a solicitante en vigor
2. Fotocopia do Libro de Familia completo ou documentación oficial acreditativa dos membros da unidade familiar coas súas data de nacemento.
3. Volante de empadramento acreditativo da convivencia familiar, expedido polo Concello.
4. Xustificación da situación económica e laboral do ano 2022, de tódolos membros da unidade familiar maiores de 16 anos, mediante fotocopia da declaración do IRPF do exercicio 2022, no suposto de facela, correspondentes a cada un dos membros computables da unidade familiar; ou certificado negativo, no suposto de non estar obrigado a realizala, expedido pola Administración Tributaria de Facenda, acompañada de (se é o caso):
 - a) Certificacións do INEM sobre prestacións e subsidios de desemprego.
 - b) Certificacións do INSS / ISM sobre pensións e prestacións percibidas.
 - c) Calquera outro documento xustificativo de ingresos (pensións de alimentos dos menores, rendas dos alugamentos ...)
5. Copia do imposto de actividade económicas (Autónomos)
6. No caso de non poder acreditar a situación económica cos documentos anteriores, ou cando da situación declarada se desprenda unha falta de medios económicos para subsistir, terán que facer unha declaración responsable dos medios de vida (informe de signos externos).
7. No caso de separación ou divorcio, deberase aportar convenio regulador así como documento xustificativo das achegas económicas actualizadas, ou no seu defecto, denuncia por incumprimento.
8. Xustificante do gasto de alugamento da vivenda.
9. Calquera outra documentación que se considere conveniente na instrución do procedemento de resolución.

No caso de que algúns documentos requiridos no poidan presentarse por impedimento legal ou administrativo, substituirase por unha declaración xurada de compromiso. Dita documentación presentarse antes da proposta de resolución, nun prazo máximo de 10 días.





Concello de Cangas

A matrícula do colexio, para curso 2023/2024, será comprobada en coordinación coa dirección dos centros educativos.

OITAVA.- TRAMITACIÓN E SUBSANACIÓN DE DEFICIENCIAS

A instrución do procedemento de concesión das axudas convocadas, correspóndelle ao Departamento de Servizos Sociais, que recibirá as solicitudes e comprobará os requisitos esixibles e a documentación acreditativa, e si fora o caso, requirirá para subsanación da solicitude ou documentación perceptiva de acordo co establecido no artigo 28 da Lei de 39/2015 do procedemento administrativo común das administracións públicas, para que no prazo de 10 días hábiles, emende a falta ou acompañe os documentos requiridos, informándosele de que, de non o facer, teráselle por desistido da súa petición.

As Traballadoras Sociais de Atención Primaria do Centro Municipal de Benestar Social serán as encargadas de realizar o estudo, avaliación e baremación de cada unha das solicitudes, quedando reflectido nun Informe Social Individualizado.

Una vez feita a valoración de todas as solicitudes, emitirase un informe global comprensivo de tódalas solicitudes candidatas ás axudas, que recolla as incidencias avaliadas segundo os seguintes datos:

1. Nº de orde da solicitude, segundo a puntuación na aplicación do baremo.
2. Nome e apelidos do solicitante de axuda.
3. DNI ou NIE
4. Nome e apelidos do rapaz para o que se solicita a axuda
5. Contía do aluguer da vivenda ou do crédito hipotecario para a adquisición da mesma.
6. Ingresos netos medios mensuais da unidade familiar.
7. Nº membros da unidade de convivencia.
8. Nº de membros da unidade de convivencia estudantes.
9. Problemática social.
10. importe da axuda proposta.
11. Puntuación total obtida
12. Centro docente no que se atopa escolarizado.

NOVENA.- CRITERIOS DE AVALIACIÓN

Os criterios de avaliación viran dados polas seguintes variables: ingresos, situación laboral, número de fillos en idade escolar, outros fillos estudantes e a problemática social.

O baremo ten por obxecto establecer unha orde de prioridade na concesión das axudas a tenor da maior necesidade estimada. O baremo a aplicar será o seguinte:

1. AVALIACIÓN DA SITUACIÓN ECONÓMICA DA UNIDADE FAMILIAR:

Para avaliar a situación económica da unidade de convivencia partírase dos ingresos medios mensuais establecidos na presente convocatoria. Fixarase como base de cálculo a contía de 798,76 €.

A base de cálculo terá un valor constante de 50 puntos. Para efectos de contabilidade da puntuación partírase dos ingresos medios mensuais da unidade familiar (segundo o establecido na base quinta das presentes bases), puntuándose da seguinte forma:

Os ingresos inferiores a base de cálculo, contados a partir dela de forma consecutiva e en sentido decrecente, computaranse por tramos de 6,00 €. A cada tramo daráselle un valor de 2





Concello de Cangas

puntos. A puntuación final, se obterá incrementando ó valor constante de 50 puntos, o resultado do valor da suma dos tramos indicados.

Os ingresos superiores a base de cálculo, daráselle unha puntuación de menos 1 punto por cada tramo de 12 € superiores á base de calculo. A puntuación final se obterá restando o valor constante de 50 puntos, a suma negativa correspondente o resultado do valor da suma de tódolos tramos a considerar.

2. AVALIACIÓN DA UNIDADE DE CONVIVENCIA:

A cada membro da unidade de convivencia se lle dará 1 punto positivo. A suma de todos eles será a puntuación total.

3. AVALIACIÓN POR MEMBROS DA UNIDADE DE CONVIVENCIA QUE CURSEN ESTUDIOS:

Daráselle un punto positivo a cada un dos membros da unidade de convivencia que estean escolarizados ou cursen estudos no curso 2023/2024, segundo a táboa seguinte:

Nº DE NENOS/AS ESCOLARIZADOS/AS	PUNTUACIÓN
1	1 punto
2	5 puntos
3	10 puntos
4	15 puntos
5	20 puntos

4. AVALIACIÓN TÉCNICA DA PROBLEMATICA SOCIAL:

Esta puntuación será a que resulta de considerar a posible concorrencia de determinadas circunstancias subxectivas dentro da unidade familiar, que deben ser avaliadas por canto poidan incidir no grao de necesidade. Representa unha avaliación adicional feita polas Traballadoras Sociais dos Servizos Sociais de atención primaria do concello, que non pode sobre pasar os 65 puntos.

O baremo para avalía-las circunstancias concorrentes e/ou simultáneas é o seguinte:

PROBLEMATICA SOCIAL	PUNTUACIÓN
1.- Familias incluídas no Programa de Intervención Social no ámbito dos Servizos Sociais de Atención Primaria (RAISS...)	10 puntos
2.- Familias beneficiarias da RISGA	10 puntos
3.- Familias Monoparentais en desemprego	9 puntos
4.- Familias monomarentais/parentais	8 puntos
5.- Familias con ambos proxenitores en situación de desemprego	8 puntos
6.- Menores en acollemento familiar, formalizado pola Administración	8 puntos
7.- Menor en situación de desprotección	8 puntos
8.- Familias nas que algún/s membro/s estean afectados por algunha minusvalía legalmente cualificada ou limitación de saúde que ocasionen situacións de dependencia acreditada.de subsistencia da unidade familiar.	5 puntos
9.- Familias cun proxenitor en situación de desemprego.	4 puntos
10.- Familias con ambos proxenitores traballando	4 puntos
Se a situación familiar non se recolle nestas opcións	0 puntos





Concello de Cangas

A puntuación acadada nos apartados 3, 4, 5, 9 e 10 da problemática social non son acumulables. No suposto de que o número de solicitudes que reúnan os requisitos esixidos superen o importe destinado ás mesmas, darase prioridade ás daquelas familias que obteñan unha maior puntuación segundo o baremo. No suposto de igualdade na puntuación final entre solicitantes, establecerase a listaxe de concesión en orden inverso á da contía da renda per cápita da unidade familiar. De producirse unha igualdade entre dous ou mais expedientes, se terá en conta o número de rexistro de entrada da solicitude.

DECIMA.- PUBLICIDADE E PRAZO DE SOLICITUDE

A publicación das presentes bases e a resolución das axudas realizarase no taboleiro de anuncios do Concello, do Centro Municipal de Benestar Social, na paxina web do Concello de Cangas e dándolle difusión aos CEIP de Espiñeira, o Hío, Nazaret e a Rúa.

O prazo de presentación de solicitudes para o curso 2023/2024 será do 1 ao 25 de agosto (ámbolos dous incluídos).

DÉCIMÓ PRIMERA: COMISIÓN CUALIFICADORA

A Comisión cualificadora será a encargada de analizar o informe técnico de avaliación do conxunto das solicitudes presentadas, e propondrá a concesión ou denegación das axudas económicas.

A comisión cualificadora estará presidida pola/polo Concelleira/o delegada/o de Ensino e composta, ademais, polos seguintes membros:

- Concelleira/o delegada/o de Benestar Social.
- Director do Centro Municipal de Benestar Social
- Unha Traballadora Social de Atención Primaria do CMBS, actuando de secretaria.
- A Educadora Familiar do concello.

DECIMÓ SEGUNDA.- RESOLUCIÓN

A Comisión Cualificadora elaborará unha proposta definitiva de resolución, que conterá a relación de todos os solicitantes que participan na convocatoria, os/as alumnos/as, puntuación, expediente, colexio, curso, resolución das axudas, co estado de concedido, denegado ou lista de espera.

- Concedidas.- Reseñárase a subvención individual de cada beneficiario, tendo en conta que o importe total das mesmas no poden superar o crédito consignado.
- Denegadas.- Farase constar algúns dos seguintes motivos:
 - A solicitude foi presentada fóra de prazo.
 - Non aportan a documentación requirida.
 - Non están empadroados.
 - Supera ingresos.
 - O centro non conta co servizo de comedor.
 - O/A alumno/a non está matriculado/a.
- Lista de espera: coa súa correspondente puntuación. será comunicada aos interesados.





Concello de Cangas

A Xunta de Goberno Local, a proposta da Comisión de Cualificación, acordará a aprobación definitiva das axudas, que será comunicada aos interesados polo Centro Municipal de Benestar Social.

DECIMÓ TERCEIRA.- PAGAMENTO DAS AXUDAS E XUSTIFICACIÓN

A contía da axuda concedida aboarase a empresa prestadora do servizo, a mes vencido e previa comprobación polo centro municipal de benestar social da relación de alumnos becados e dos días de comedor escolar utilizados.

O Concello de Cangas asumirá o pago das cotas de comedor dos alumnos beneficiarios destas axudas dende a data da resolución definitiva do expediente.

DECIMÓ CUARTA.- FINANCIAMENTO DAS AXUDAS

O Concello de Cangas financiará estas axudas con cargo a aplicación orzamentaria do convenio de colaboración entre a Consellería de Cultura, Educación e Ordenación Universitaria e o Concello de Cangas para a xestión do servizo de comedor escolar en catro centros de ensino público non universitario de Cangas

DECIMO QUINTA.- OBRIGAS DOS BENEFICIARIOS

Os beneficiarios das axudas deberán asumir as seguintes obrigas:

- Utilizar o servizo de comedor todo o mes, agás causas xustificadas.
- Comunicarlle ó Departamento de Servizos Sociais do Concello as baixas.
- Cumprimento das normas establecidas no regulamento interno do centro educativo para o servizo de comedor ao que pertence o alumno/a, o Consello Escolar do centro poderá adoptar as medidas que crean oportunas. Se a medida adoptada fose a expulsión do servizo de comedor, a axuda suspenderase polo tempo que esta dura.





Concello de Cangas

EXPEDIENTE

SOLICITUDE DE AXUDA MUNICIPAL DE COMEDOR ESCOLAR

CURSO 2023/2024

1.- DATOS DO SOLICITANTE (pai, nai, titor ou persoa cos que convive o/a alumno/a)

NIF	Nome e apelidos
Teléfono	Enderezo

2.- ALUMNOS/AS PARA OS QUE SOLICITA A AXUDA

APELIDOS E NOME	PARENTESCO	CENTRO	CURSO

3.- USUARIO DO SERVIZO DE COMEDOR

Fixo Os días:

4.- A persoa solicitante **DECLARA baixo a súa responsabilidade:**

Que os únicos ingresos da unidade familiar son os que figuran na documentación que se achega.

Que está ao corrente no cumprimento das súas obrigas tributarias e coa Seguridade Social, nos termos do artigo 14.1.e) da lei 38/2003, de 17 de novembro, Xeral de Subvencións.

De conformidade co art. 28.2 da Lei 39/2015, do 1 de outubro, de procedemento administrativo común das Administracións Públicas, esta Administración poderá consultar ou recadas os datos ou documentos necesarios para a tramitación da súa solicitude, salvo que manifieste a súa oposición a esta consulta no seguinte recadro, suposto no que deberá achegar dita documentación.

Non autorizo o acceso.

Cangas de de 2023

Sinatura da persoa interesada

De conformidade co establecido na normativa vixente sobre protección de datos de carácter persoal, informámoslle que os seus datos serán incorporados ao sistema de tratamento de titularidade do Concello de Cangas, coa finalidade de atender e xestionar a súa solicitude. En cumprimento da normativa vixente, o Concello de Cangas, informa que os datos serán conservados durante o período legalmente establecido. Así mesmo, informámoslle que a lexitimación do tratamento dos seus datos é en base ao interese público ou no exercicio de poderes públicos.

De acordo cos dereitos que lle confire a normativa vixente en protección de datos poderá exercer os dereitos de acceso, rectificación, limitación de tratamento, supresión, probabilidade e oposición ao tratamento dos seus datos de carácter persoal así como o do consentimento prestado para o tratamento dos mesmos, dirixindo a súa petición ao Rexistro Xeral do Concello..

ILMO. ALCALDE-PRESIDENTE DO CONCELLO DE CANGAS

Concello de Cangas

Avenida de Castelao, 2, Cangas. 36940 Pontevedra. Tfno. 986300050. Fax: 986304850

Cod. Validación: 7Z6CPD3JP2S2WXM4470SAQH
Corrección: https://cangas.sedelectronica.gal/
Documento asinado electronicamente desde a plataforma xestiona esPublico | Páxina 10 a 11





Concello de Cangas

CESIÓN DO DEREITO DE COBRO

ANEXO I

A) CEDENTE

D/D^a con N.I.F actuando en nome propio e con poder suficiente ó efecto, transmite os dereitos de cobro correspondentes a Axuda Municipal de Comedor Escolar do curso 2023/2024, a empresa prestadora do servizo.

En Cangas, de de 2023

Asdo.:

DOCUMENTACIÓN A PRESENTAR COA SOLICITUDE

- Solicitud, segundo modelo normalizado.
- Impreso de cesión do dereito de cobro, asinado a favor da empresa prestadora do servizo.
- Fotocopia do DNI / NIE do solicitante en vigor
- Fotocopia do Libro de familia.
- Volante de empadramento familiar. (se non autoriza a consulta)
- Xustificación da situación económica e laboral do ano 2022, de tódolos membros da unidade familiar maiores de 16 anos, mediante fotocopia da declaración do IRPF do exercicio 2022, no suposto de facela, correspondentes a cada un dos membros computables da unidade familiar; ou certificado negativo, no suposto de non estar obrigado a realizala, expedido pola Administración Tributaria de Facenda, acompañada de (se é o caso):
 - a) Certificacións do INEM sobre prestacións e subsidios de desemprego.
 - b) Certificacións do INSS / ISM sobre pensións e prestacións percibidas.
 - c) Calquera outro documento xustificativo de ingresos (nóminas, pensións de alimentos dos menores, rendas dos alugamentos ...)
- Copia do imposto de actividade económicas (Autónomos)
- Xustificante dos gastos de alugamento da vivenda.
- Xustificante dos ingresos da unidade familiar dos sete primeiros meses de 2022, no caso de variación da situación económica.
- No caso de non poder acreditar a situación económica cos documentos anteriores, ou cando da situación declarada se desprenda unha falta de medios económicos para subsistir, terán que facer unha declaración responsable dos medios de vida (informe de signos externos).

NOTA : Os servizos sociais municipais poderán solicitar calquera documentación ou aclaración que consideren necesaria.

Concello de Cangas

Avenida de Castelao, 2, Cangas. 36940 Pontevedra. Tfno. 986300050. Fax: 986304850



